



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Lavrent. Ivstinianvs. 8. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

S. LAVRENT. IVSTINIANVS.

8. Ianuarii.

ANnum agenti IVSTINIANO decimum nonum induta virginem Divina Sapientia amplexum tulit, & osculum. Ab eo tempore omnis illi mundus desipere, una sapere religio. Ad hanc cum se recepisset, fuit qui, cum familiaritate (quæ ei cum LAVRENTIO intima erat) destitutū se indignè ferret, ad septa monasterii cum totā acie sodalium veniret: cornu unum citharædi, alterum armati tenebant. Sed utrumq; perripit LAVRENTIVS, captumque verbis Sodalem in sua iurare verba, manusque dare religioni coëgit, plaudentibus utique Superis, quod jam Theseus Pirithoum suum, non ad orcum, sed cælum comitaretur. Post tamen LAVRENTIVS ad infulam extractus, pater pauperum, & hostis superborum audiit, mirandaque egit plurima. In ore illud crebrò habuit: *eandem esse veram sapientiam, scire Deum omnia esse, at nihil, hominem, & illud: cælo excludendos omnes fore opulentos, nisi ejus janitores pauperes piâ manu corrumperent. Ego palmarium id puto: perituras Venetias fuisse, pessimo Sodomorum exemplo, nisi potentior apud DEVM Abrahamo LAVRENTIVS intercessisset. Porro moriturus piâ manû respuit,*

C

respuit,

respuit, memor quàm duro lectulo
Christus obiisset, Et tamen sine plumis
in caelos evolavit anno M. CCCC. X.
cum iusta illi homines inter Angeli
persolverent, funeris dicam, tibicines,
an virtutis buccinatores? *Ex Surio.*

S. IULIANVS M. 9. Ianuarii.

IULIANVS unicus parentum clarissi-
morum filius primam aetatem Musis
consecravit. Ea virgines in clientis sui
pectus amorem virginittatis cum literis
instillarunt. Sed obstitere votis paren-
tes, castas aures Hymenæo identidem
pulsantes. Itaque à cælo antè per som-
num armatus BASILISSAM duxit.
Verùm precantes thalamo cælestis pri-
mum odor affavit; mox de servando
pudore piè sermocinantibus cum MA-
TRE aliisque Cælitibus CHRISTVS
supervenit, qui & audentibus animos
addidit, & utriusque nomina vitæ li-
bro descripta ostendit. Ita virgo obiit
BASILISSA; IULIANVS vero etiam
Martyr; qui dum ad ludibrium totâ ur-
be victus circumducitur, CELSVS,
mali iudicis non malus filiolus, conspi-
catur eum non tam inter lictorû, quàm
Calitum manus inambulare. Pedes
proinde martyris complexus, & Chri-
stum puer non pueriliter, & ipse factus,
cum IULIANO ad ignem damnatur.
Sed virtus proba è flammis splendidior
nimi-